



Jens Kristian Therkelsen
Siumut
/Maani

Karrani ilimasaarutit pillugit § 37 naapertorlugu apeqquteqaammut nr. 134-2023-mut akissut

Asasara Jens Kristian Therkelsen

Karrani ilimasaarutit pillugit Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uannut akissuteqarfigineqartussanngorlugit innersuunneqarput. Apeqqutit tamakkerlutik akisussaaffeqarfimma ataaniinngimmata, Naalakkersuisoqarfinit allaniit akissutissamik piniarpunga.

- 1. Umiammakku qanitaani qaqqaq, kiisalu Kingarsimami qaqqaq nakkaariaannartut naliligaasut pillugit paasissutissat nutaanerit siusinnerusukkut ilimasaarutinut sanilliullugit allaanerussuteqarpat?**

Akissut:

2021-mi upernaakkut paasititsiniaanerup annertunerusup kingulliup kingorna Aatsitassanut Inatsisillu Atuutsinneqarnerannut Naalakkersuisoqarfik Umiammakkummi aamma Kangerluarsummi alapernaarsuutit marlunnik ikkussuivoq. Alapernaarsuutit Naalakkersuisoqarfimmi ujarassiuunut qaqqani qajannartortaaq qajannaatsuussusaat pillugit ullut tamaasa paasissutissanik pissarsititsisarput.

Qaqqani qajannartortaaq nikkiaartuaartoqartuaannartoq, Umiammakku Nunaanni qaqqani qajannartortaaq ullut tamaasa alapernaarsuinerup takutippaa, kisianni pinartumik qaqqani annertoorsuarmik sisoortoqartussanngornera takussutissaqarani.

Asimi alapernaarsuinermilu paasissutissat katersorneqartut maannakkut misissoqqissaarneqaleruttorput. Qaqqani sisoortoqarnissaanut takorluukkat aammalu tassaarsuaqarneranik pisuusaartitsinerit pillugit paasissutissat nutaat siusinnerpaamik 2024-mi upernaakkut takuneqarsinnaalissapput.

Allakkat ulluat: 13-09-2023
Suliap nr.: 2023 - 8071
Akt-id: 88585548

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: asn@nanoq.gl
www.naalakkersuisut.gl

2. Nunaqarfiit innuttaasunit qimagutsiffiusut, Illorsuit Nuugaatsiarlu, ammaqquissinnaanerit pillugu paasissutissat nutaanerusut tikkuussippat?

Akissut:

Naalackersuisoqarfinni suliassaqarfimmut akisussaasuusoq Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik akissuteqarpoq: *"Naamik."*

Akisussaaffeqarfinniit ilanngunneqarsinnaavoq, soorunami paasissutissat nutaat mit Nunalerinermut, Imminut Pilersornermut, Nukissiutinut Avatangiisinullu Naalackersuisoqarfimmut nassiuttaratsigu, taamaalillutik taakkua assersuutigalugu upalungaarsimanermut atatasimiititaliarsuarmut avitseqatigiissutigisinnaallugit.

3. Pineqartuni innuttaasut qaqugumita ilisimatinneqarsinnaassappat nunaminnut uteqqissinnaanertik pillugu?

Akissut:

Naalackersuisoqarfinni suliassaqarfimmut akisussaasuusoq Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik akissuteqarpoq: *"Apeqqut 2 innersuussutigalugu, paasissutissanik nutaanik saqqummiisoqareernerani tamanna pillugu paasinarsisitsisoqarsinnaavoq."*

4. Maanna ukiut arfinillit qimaqqaneqarmata illut innuttaasut pigisaat, kiisalu illuutit suliffeqarfiit pigisaat aserfallapput. Aalajangertoqassappat innuttaasut utissasut, taava illut tamakkua pisortat aaqqissuunnissaat isumagissavaat?

Akissut:

Naalackersuisoqarfinni suliassaqarfimmut akisussaasuusoq Ineqarnermut Attaveqaasersuutinullu Naalackersuisoqarfik akissuteqarpoq: *"Naalackersuisut apeqqut sammisimangilaat, tassami sumiiffiit navianartorsiorfiusutut isigineqarmat."*

5. Uummannap sulluani upalungaarsimaneq, aarlerisaarutillu maanna atuuttut suli attanneqassappat?

Akissut:

Naalackersuisoqarfinni suliassaqarfimmut akisussaasuusoq Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik imatut akissuteqarpoq:

”Aap. Tassunga tunngatillugu oqaatigineqarpoq, taakkua atorineqarsinnaassusaasa qulakkeernissaanut kalerrisaarutit taakkua misissorneqartarnerannut atatillugu kommuni eqeersimaarsimammat.”

6. Atortorissaarutit tamakkiisumik ikkussuunneqarnissaat suli piffissamik sivisunermik atuiffiussava?

Akissut:

Apeqqummi sumiiffinni inoqartuni upalungaarsimanermit atortut imaluunniit alerpernaarsuutit pillugit paasissutissanik ujartuisoqarnersut nalornineq qaqqinneqarpoq.

Upalungaarsimanermit atortunut tunngatillugu Nunalerinermit, Imminut Pilersornermit, Nukissiutinut Avatangiisinullu Naalakkersuisoqarfik imatut akissuteqarpoq: *”Apeqqut manna kommunimit akissuteqarfigineqarsinnaavoq, tassami upalungaarsimanermit atortut piareersarneqarnissaannik qulakkeernissamut suliassaq pineqartut tassaniitinneqarmat.”*

Namineerlunga akisussaaffeqarfinniit akissutigisinnaavara alapernaarsuutitut tunngatillugu, alapernaarsuutit marluusut tamarmik ingerlammata tamakkiisumillu atorsinnaassuseqarlutik. Kisianni qaqqani qajannartortaasut ineriartornerat ilutigalugu ingerlaavartumik aserfallatsaaliorneqarnissaat naleqqussarneqartarnissaallu pisariaqarpoq. Taamaattumik qaqqat qajannartortaartut sumiiffinnut inoqartunut navianaateqarunnaarnissaannik qulakkeerisinnaalernissap tungaanut, alapernaarsuinermit suli piffissamik atuinissaq pisariaqarpoq.

Naalakkersuisut aammattaaq pingaarnertut suleqatigiinnik pilersitsinissamik suliniuteqarniarput, tassaniissallutik qaqqani sisoortoqarsinnaanerani aarlerinaataasunik aqutsinermi qitiusumi suliaqartuusut. Pingaarnertut suleqatigiit suliassaat pingarneq tassaavoq isumannaallisaanermut najoqqutassamik, Kalaallit Nunaanni qaqqat qajannartortaartut eqqaanni aarlerinaataasunik aqutsinermik maleruagassiisussanik, ineriartortitsinissaq nassuiaanissarlu.

Inussiarnersumik inuulluaqqusillunga

Naaja H. Nathanielsen

Naaja H. Nathanielsen